

Broj: 01-02-2-2573/18
Sarajevo, 27.03.2018. godine

Na osnovu člana 13. Statuta Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“, br. 28/11), člana VIII Odluke o osnivanju Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“, br. 48/10), a u skladu sa odredbama Zakona o profesionalnoj rehabilitaciji, osposobljavanju i zapošljavanju osoba sa invaliditetom („Službene novine Federacije BiH“, br. 9/10), Upravni odbor Fonda za profesionalnu rehabilitaciju i zapošljavanje osoba sa invaliditetom, na 52. sjednici održanoj dana 27.03.2018. godine donosi

Pravilnik o izmjenama i dopunama Pravilnika o raspodjeli sredstava Fonda za profesionalnu rehabilitaciju i zapošljavanje osoba sa invaliditetom za dodjelu novčanog stimulansa za novo zapošljavanje osoba sa invaliditetom br. 01-02-2-1520/17 od 02.03.2017. godine

I

U članu 2. stav (1) Pravilnika o raspodjeli sredstava Fonda za profesionalnu rehabilitaciju i zapošljavanje osoba sa invaliditetom za dodjelu novčanog stimulansa za novo zapošljavanje osoba sa invaliditetom br. 01-02-2-1520/17 od 02.03.2017. godine (u daljem tekstu: Pravilnik), briše se broj 56. i umjesto njega dodaje broj 58. ispred riječi „Zakona“.

II

U članu 3. stav (1) Pravilnika, mijenja se i dopunjava tačka (c) i glasi:

„Da kao poslodavac izvršava obaveze iz članova 18. i 19. Zakona; Ukoliko aplikant nije ispunjavao predmetnu obavezu, Fond će kao ispunjenje uslova uvažiti uredno izmirenje obaveza po zaključenom ugovoru sa Fondom o obročnoj otplati duga po osnovu članova 18. i 19. Zakona.“

III

U članu 3. stav (1) Pravilnika u tački f) briše se dio teksta nakon prve rečenice, odnosno iza tačke nakon riječi „obrazaca.“

IV

U članu 3. stav (1) Pravilnika, dodaje se nova tačka h) koja glasi:

„Da je osobe sa invaliditetom zaposlene na određeno vrijeme zadržao u radnom odnosu namanje 12 mjeseci ili, ukoliko je dužan, subjekt dostavlja dokaz da je izvršio zamjenu

odnosno zapošljavanje nove osobe sa invaliditetom, u skladu sa članom 11. stav (1) ovog Pravilnika;“

V

U članu 3. Pravilnika, u stavu (1) dodaje se nova tačka i) koja glasi:

„Da dostavi validne dokumente tražene javnim pozivom.“

VI

U članu 3. stav (2) Pravilnika, dodaje se nova tačka d) koja glasi:

„Da prethodno od Fonda nije dobila sredstva za samozapošljavanje.“

VII

U članu 3. Pravilnika, u stavu (2) dodaje se nova tačka e) koja glasi:

„Da dostavi validne dokumente tražene javnim pozivom.“

VIII

U članu 3. Pravilnika dodaje se novi stav (3), sa tačkama a), b), c), d), e) i f), koji glasi:

(3) Uslovi za dobijanje novčanog stimulansa koje treba da ispuni osoba sa invaliditetom koja se zapošljava/ samozapošljava su:

- a) Da se dokaže da osoba ima utvrđeno najmanje 60% invaliditeta, s najmanje 70% tjelesnog oštećenja, ukoliko to oštećenje ima za posledicu smanjenje radne sposobnosti iz člana 3. Zakona ili da je osoba s lahkom ili umjerenom mentalnom retardacijom (intelektualnim teškoćama). Navedeno se dokazuje validanim dokazom o invaliditetu koji se detaljnije precizira javnim pozivom.
- b) Da je proteklo 24 mjeseca od dodjele novčanog stimulansa za osobe sa invaliditetom koje su ostvarile pravo na novčani stimulans za zapošljavanje na određeno vrijeme.
- c) Da je proteklo 36 mjeseci od dodjele novčanog stimulansa za osobe sa invaliditetom koje su ostavile pravo na novčani stimulans na neodređeno vrijeme.
- d) Kod zapošljavanja na neodređeno vrijeme da osoba nije ranije u istom subjektu bila zaposlena na neodređeno vrijeme.
- e) Da dokaže da je osoba nezaposlena ili da je njeno zapošljavanje/ samozapošljavanje izvršeno u periodu nakon zaključenja posljednjeg okončanog javnog poziva Fonda za dodjelu novčanog stimulansa za novo zapošljavanje osoba sa invaliditetom.

- f) Da zapošljavanje/ samozapošljavanje nije finansijski podržano u okviru programa zapošljavanja Federalnog zavoda za zapošljavanje ili kantonalne službe zapošljavanja, niti od strane drugog finansijera.

IX

U članu 3. Pravilnika dodaje se novi stav (4) koji glasi:

„Uslovi iz stava 3) tačke b) i c) ovog člana se ne primjenjuju na osobu sa invaliditetom za čije novo zaposlenje je Fond prethodno dodijelio sredstva novčanog stimulansa, u slučaju da je sa tom osobom poslodavac jednostrano raskinuo ugovor o radu u periodu trajanja novčanog stimulansa.“

X

U članu 5. stav (3) tačka b) Pravilnika, iza riječi „Ukoliko je osoba već zasnovala radni odnos kod poslodavca“ dodaju se riječi „ili kroz samozapošljavanje“, a ostatak tačke ostaje nepromijenjen.

XI

U članu 5. stav (3) Pravilnika dodaje se tačka d) koja glasi:

„U slučaju da se radi o osobi na koju se primjenjuje odredba iz člana 3. stav (4) ovog Pravilnika, dostavlja se originalna, u Općini/Gradu ovjerena, vlastoručno potpisana izjava osobe sa invaliditetom da se na nju odnosi navedena odredba.“

XII

U članu 5. stav 4. Pravilnika, dodaje se nova tačka b), tako da ranija tačka b) postaje nova tačka c) i tako dalje, a nova tačka b) glasi:

„Izvod iz sudskog registra, ne stariji od dana objavljivanja javnog poziva, sa izuzetkom poslodavaca sa statusom obrtnika (original);“

XIII

U članu 5. stav 4. Pravilnika, mijenja se tačka d) i glasi:

„Lista osiguranih lica iz Porezne uprave FBiH ne starija od dana objavljivanja javnog poziva (original). Ukoliko poslodavac nema zaposlenih osoba dužan je dostaviti potvrdu iz Porezne uprave FBiH koja to potvrđuje, ne stariju od dana objavljivanja javnog poziva (original);“

XIV

U članu 5. stav 4. Pravilnika, briše se kao suvišna prvobitna tačka I.

XV

U članu 5. stav 4. Pravilnika u tački I), iza riječi „tačka g)“ dodaju se riječi „i h)“ nakon kojih slijede riječi „ovog Pravilnika“. Ostatak tačke I) ostaje nepromijenjen.

XVI

U članu 5. Pravilnika dodaje se novi stav (8) koji glasi:

„Ukoliko subjekt podnosi više odvojenih zasebnih zahtjeva, uvažit će se priložene kopije dokumenata koji se ne odnose na osobu sa invaliditetom, ukoliko je u bar jednom od zasebnih zahtjeva dostavljena tražena originalna dokumentacija vezana za subjekt koji aplicira, što mora biti i naznačeno u zahtjevima.“

XVII

U članu 6. Pravilnika briše se stav (3) zbog ponavljanja ranije navedene formulacije.

XVIII

U članu 9. stav (6) Pravilnika se mijenja na način da se u drugoj rečenici iza riječi „dostavlja“ dodaje riječ „originalnu“, a iza riječi „Porezne uprave FBiH“ se u zagradi dodaje tekst „(ne stariju od dana podnošenja zahtjeva)“. Ostatak stava ostaje nepromijenjen.

XIX

U članu 10. Pravilnika mijenja se stav (1) i glasi:

„Na dan zaključenja ugovora sa Fondom poslodavac je dužan priložiti ugovor o radu sa osobom sa invaliditetom na puno rano vrijeme, sa jasno naznačenim periodom zapošljavanja u skladu sa Odlukom Upravnog odbora: neodređeno ili određeno vrijeme - najmanje 12 mjeseci (original ili ovjerena kopija), zajedno sa ovjerenom kopijom prijave radnika kod Porezne uprave FBiH i odgovarajućim ugovorenim oblikom jamstva za izvršavanje preuzetih obaveza, te druge dokumente na traženje Fonda.“

XX

U članu 12. Pravilnika dodaje se novi stav (3), tako da raniji stav (3) postaje novi stav (4), itd., a koji glasi:

„Korisnici sredstava koji neopravdano otpuste osobu sa invaliditetom prije isteka ugovorenog vremenskog perioda zapošljavanja ili ne vrše redovnu uplatu plata i doprinosa prema osobama sa invaliditetom bit će isključeni iz raspodjele sredstva Fonda.“

XXI

Pravilnik o izmjenama i dopunama Pravilnika o raspodjeli sredstava Fonda za profesionalnu rehabilitaciju i zapošljavanje osoba sa invaliditetom za dodjelu novčanog stimulansa za novo zapošljavanje osoba sa invaliditetom br. 01-02-2-1520/17 od 02.03.2017. godine stupa na snagu danom donošenja.

PREDSJEDNIK
UPRAVNOG ODBORA



Almas Kulović

Dostaviti:

- Direktor Fonda
- Sektorima Fonda
- Odjeljenu za finansijsko poslovanje
- a/a



